

Mensahe 2 (sumpay)

niabot ang mga anak sa Israel sa pait nga mga tubig sa Mara; sa nagbagulbol ang katawhan batok ni Moises, “nituwaw siya ni Jehova, ug gipakita siya ni Jehova og kahoy; ug giitsa niya kini sa mga tubig, ug nitam-is ang mga tubig” (vv. 22-25):

- A. Nagtimaan sa kahoy sa kinabuhi ang kahoyng gipakita sa Ginoo ni Moises; naghisgot ang Bugna 2:7 “sa kahoy sa kinabuhi”; sa Griyego ang pulong alang sa *kahoy* dinhi pareho ra nga pulong nga gigamit alang sa *kahoy* sa 1 Pedro 2:24:
1. Ang kahoy sa kinabuhi sa Bugna 2:7 nagtimaan sa gilansang sa krus (gipasabot sa kahoy nga tabla—1 Ped. 2:24) ug nabanhaw (gipasabot sa kinabuhi sa Dios—Juan 11:25) nga Cristo; busa, maingon nato nga ang kahoyng giitsa ni Moises sa pait nga mga tubig mao ang gilansang sa krus ug nabanhawng Cristo nga kahoy sa kinabuhi.
 2. Kon motuwaw ta sa Ginoo diha sa pag-ampo, pakit-on ta Niyag panan-awon sa gilansang sa krus ug nabanhawng Cristo nga kahoy sa kinabuhi; pinaagi sa atong pag-ampo nga nagbubo sa atong kalag atubangan sa Ginoo, giitsa nato kining kahoya ngadto sa pait nga mga tubig sa atong pagkatawo; mahimo dayong tam-is nga mga tubig sa Iyang presensya kining pait nga mga tubig.
- B. Lugwa ang pag-ampo ni Ana sa pait nga mga sirkumstansya ug pait nga pagkatawo niya (1 Sam. 1:6, 10); giingnan niya si Eli, “Babaye ko nga nabug-atan sa espiritu... Gibubo ko ang akong kalag sa atubangan ni Jehova... Tungod sa kadako sa akong kabalaka ug sa paghagit, namulong ko ning tanang panahona” (vv. 15-16); niingon ang Salmo 62:8, “Salig Niya sa tanang panahon, / O katawhan; / Ibubo ang inyong kasingkasing sa Iyang atubangan; / Ang Dios maoy dangpanan alang nato. Selah”; ang ingon niana nga pag-ampo nga nikontak sa Dios tinagik man sa mga pulong nga kinasingkasing gyong gipamulong.
- C. Naa ngani ta sa pait nga mga sirkumstansya ug pait ang atong pagkatawo, ibubo gyod nato ang atong kalag uban sa atong kasingkasing ngadto sa Ginoo sa pagkatinuod ug pagkamatinud-anon nato Kaniya; magpaluwa sa mga mananaog, nga magpadangat sa Hari ug sa gingharian, kanang pag-ampo.
- D. Modangat ngani ta sa “pait nga mga tubig,” makaamgo gyod unta ta nga nagbuot ug tagong nagdasig ang Dios kanato aron desperado tang moampo dili lang aron maayo ang atong sulod (Exo. 15:26) kondili, labi pa gyod, aron makapalugwag madaogong mga Nasareo, nga mobulig Niya sa pagpadangat sa Hari ug sa Iyang gingharian—sa mahimo nang maayo kaayo ang ngalan sa Dios sa tibuok yuta (Sal. 8:1), ug “mahimo nang gingharian sa atong Ginoo ug sa Iyang Cristo ang gingharian sa kalibotan, ug maghari Siya hangtod sa kahangtoran” (Bug. 11:15).

Mensahe 3

**Ang Espirituhaong Mga Prinsipyo, Mga Pagtulon-an sa Kinabuhi,
ug Balaang Mga Pasidaan nga Makita sa Kasaysayan ni Samuel**

Basahong Kasulatan: 1 Sam. 1:10-11, 18-20, 27-28;
2:30, 35-36; 3:1-21; 4:11-22; 7:3-17; 12:23

I. Sakop sa banay ni Levi si Samuel (1 Cron. 6:33-38) apan dili sakop sa balay ni Aaron, sa pamilya sa mga sacerdoteng gitudlo sa Dios; nangalagad si Samuel sa Ginoo isip sacerdoteng wala ipanganak nga sacerdote kondili tungod sa panaad sa Nasareo:

- A. Ang lihoc sa Dios pinaagi sa tubag Niya sa pag-ampo ni Ana pagpahimugso mag madaogong Nasareo nga bug-os gyong alang sa pagtuman sa tinguha sa Dios; bisan sa wala pa mahimugso si Samuel, gikonsagrar na siya sa iyang inahan nga maingon niana nga tawo—1 Sam. 1:10-11, 18-20.
- B. Nagtinguha ang Dios nga mahimong mga Nasareo ang tanang katawhan Niya; ang mahimong Nasareo kana mang bug-os ug kinahingpitan gyong mabalaan, maginahin, ngadto sa Dios, sa ato pa, alang ra gyod sa Dios ug alang ra gyod sa Iyang katagbawan—ang panghimatuod ni Jesus, nga mao ang nanghimatuod nga iglesia nga panghimatuod ug pagpadayag ni Cristo—Num. 6:1-2; Sal. 73:25-26; Bug. 1:2, 9-13; 19:10; itandi sa Exo. 38:21:
 - 1. Kanang dili moinom og bino ang Nasareo ug sa bisan unsang may kalabotan sa gigikanan niini nagtimaan sa dili pagpahimulos sa tanang matang nga yutan-ong pagpahimulos ug kalipayan ug paghimo ug pagsinati kang Cristo nga pagpahimulos ug kalipayan niya; ang pagkaon sa kahoy sa kinabuhi, sa ato pa, ang pagpahimulos kang Cristo nga atong sangkap sa kinabuhi, mao gyod untay unang butang diha sa iglesiahang kinabuhi—Num. 6:3-4; Bug. 2:7; Huk. 9:12-13.
 - 2. Kanang dili magpaupaw ang Nasareo nagtimaan nga wala mosalikway kondili bug-os gyod hinuong nagpasakop sa pagkaulo sa Ginoo maingon man sab sa tanang tinugyanang pagbulot-an nga gitudlo sa Dios—Num. 6:5; Rom. 13:1-2a; Efe. 5:21, 23; 6:1; Heb. 13:17; 1 Ped. 5:5.
 - 3. Kanang dili mahugawan ang Nasareo sa kamatayon sa iyang mga kadugo, kondili magpabilin hinuon sa pagkaginahin niya aron mabalaan ngadto sa Dios, nagtimaan nga nakadaog sa natural nga pagbati ang Nasareo—Num. 6:7.
 - 4. Kanang dili moduol og minatay ang Nasareo o dili magpahugaw tungod sa kalit nga kamatayon sa tawong naa sa tupad niya nagtimaan nga nagahin ang Nasareo gikan sa kamatayon—vv. 6-9; Bug. 3:4; Lev. 11:31; 5:2; itandi sa 1 Juan 5:16.

II. Sa panahon ni Samuel nahulog na gyod pag-ayo ang pagkasacerdote sa balay ni Aaron; apan, nakita nang daan sa Dios ang sitwasyon; gawas sa pagtudlo Niya sa balay ni Aaron nga mahimong mga sacerdote, naghimo Siyag suplemento kun pakapin—ang panaad sa Nasareo sa Numeros 6—kon ugaling dunay kakulangon ang gitudlong mga sacerdote:

- A. Sa pagkahulog sa balay ni Aaron, praktikal nga gigamit kining suplementoha; nasacerdote si Samuel sa pagkonsagrar, paggahin, ug pagpahulam kaniya sa Ginoo—1 Sam. 1:11, 27-28.

Mensahe 3 (sumpay)

- B. Sa panahon ni Eli, kabos ang Dios kon ang pagkasacerdote maoy hisgotan, busa gipahulaman ni Ana si Samuel sa Ginoo; kon dili normal ang sitwasyon, makabos ang Ginoo kalabot sa Iyang administrasyon, ug gikinahanglan ang tawong boluntaryong mopahulam sa iyang kaugalingon sa Ginoo.
- C. Sa gipresentar na ni Ana si Samuel kang Eli, gidayeg ni Ana ang Dios tungod sa Iyang kaluwasan nga gihuman pinaagi sa kahibulongang mga buhat Niya; may kalabotan sa lihok sa Dios sa Iyang pamatigayon ang iyang pag-ampo ug nagpakita nga duna siyay naamgohan kalabot sa pamatigayon sa Dios—2:1-10.

III. Nagdako si Samuel nga giatiman ni Eli; sa batan-on pa si Samuel nangalagad siya ni Jehova sa atubangan ni Eli (vv. 11b, 18-19), nga gitudloan ni Eli unsaon pagpangalagad sa Dios:

- A. Katulo gitawag sa Dios si Samuel; “unya nakasabot si Eli nga si Jehova ang nanawag sa bata. Ug giingnan ni Eli si Samuel, Lakaw ug higda, ug kon tawgon ka Niya, moingon ka, Sulti, O Jehova; kay namati ang Imong sulugoon...Ug ni-abot si Jehova ug nitindog sa duol ug nitawag ingon sa ubang higayon, Samuel! Samuel! Ug niingon si Samuel, Sulti, kay namati ang Imong sulugoon”—3:1-10:
 - 1. Positibo gyod kaayo kining butanga nga nakat-onan ni Samuel ni Eli; isip mga sulugoon sa Ginoo, mapadayonon gyod tang makig-ambitay Niya, kanunayng mamati Niya—Luc. 1:34-38; 10:38-42.
 - 2. Nag-agad sa mga pulong sa Ginoo ang atong kinabuhi, ug nag-agad sa Iyang mga sugo ang atong buhat (Bug. 2:7; 1 Sam. 3:9-10; itandi sa Isa. 50:4-5; Exo. 21:6); hingpit gyong nag-agad sa pagpamulong sa Ginoo ang kinabuhi sa mga magtutuo (Efe. 5:26-27).
 - 3. Ang pagpamulong sa Ginoo maoy makapatuman nato sa tumong sa walay kataposang pamatigayon Niya nga makabaton og pangasaw-onon nga makapikas Niya—Bug. 2:7; Efe. 5:26-27; A. S. 8:13-14.
- B. Samtang nagtuon si Samuel, napanid-an niya ang nagkasamot og kadaot nga pagkasacerdoteng segun sa laray ni Aaron:
 - 1. Nakita niya ang Arka sa Dios nga giilog sa mga anciano sa katawhan ug gibihag sa mga Filistehanon ug nibiya sa Israel ang himaya sa Dios; nakaamgo siya sa bug-at nga paghukom sa Dios sa balay ni Eli, nga naglakip sa kamatayon ni Eli ug sa iyang duha ka anak nga lalaki nga daotan, nga si Hopni ug si Pineas—1 Sam. 2:12-36; 4:11-22.
 - 2. Gipanagna sa tawo sa Dios ang bug-at nga paghukom sa Dios sa balay ni Eli (2:27-36); unya, gipamatud-an sa pulong ni Jehova nga gipamulong pinaagi ni Samuel kining bug-at nga paghukom (3:11-18).
 - 3. Ang tuyo sa Dios nga sultian si Eli pinaagi ni Samuel sa moabot nga paghukom aron tingali dunay masilsil sa panumdoman ning batan-ong sacerdotehanong lalaki nga dili gyod makalimtan; kaalam kini sa Dios—vv. 17-18.
 - 4. Wala kini makapaluya ni Samuel sa umalabot nga Nasareohanong pagkasacerdote niya; makanunayon hinuon kining nagpasidaan niya sa tibuok sacerdotehanong pag-alagad niya nga nakatabang niya nga magpabiling putli sa pag-alagad niya sa Dios sa tibuok niyang kinabuhi.

IV. Tawo si Samuel nga nag-usab sa panahon ngadto sa panahon sa gingharian ug pagkahari; dakong butang kini dili lang sa kasaysayan sa Israel kondili bisan ngani sa kasaysayan sa katawhan:

- A. Wala mosupil si Samuel sa balay ni Aaron, ug wala siyay giilog nga bisan unsa

UNA UG IKADUHANG SAMUEL

Mensahe 3 (sumpay)

gikan sa balay ni Aaron; sa nagdako si Samuel, gipahaluna sa Dios ang palibot sa paghingpit kaniya ug sa pagtukod sa iyang kapasidad nga makabuhat sa tanang gikinahanglan aron mausab sa Dios ang panahon ngadto sa panahon sa hari ug gingharian.

- B. Isip sacerdote gipulihan ni Samuel ug, sa usa ka bahin, gitapos ang nadaan nga pagkasacerdote sa laray ni Aaron; gigamit sa Dios si Samuel sa pag-usab sa panahon dili pinaagi sa pagsupil o pag-alsa kondili sa diosnong pinadayag aron mapadangat ang pagkahari.
- C. Tawo sa pinadayag si Samuel, ug gibuhat niya ang tanan segun sa nakita niya; “gipadayag ni Jehova ang Iyang Kaugalingon kang Samuel...pinaagi sa pulong ni Jehova” (v. 21); labot pa, tawo si Samuel nga uyon sa kasingkasing sa Dios—kopya, kun hulad, sa kasingkasing sa Dios; kay ingon niana man siya nga tawo, dili gyod siya mobuhat og bisan unsang masupilon.

V. Uyon sa Dios ang tibuok pagkatawo ug persona ni Samuel, dili lang ang iyang binuhatan, pagkinabuhi, ug buhat; nausa ang pagkatawo ni Samuel ug ang kasingkasing sa Dios; tungod niini makaingon ta nga si Samuel, nga tawong uyon sa Dios, mao ang nagsilbing Dios dinhi sa yuta:

- A. Ang hunahuna sa Dios maoy gitagad ni Samuel; wala siyay laing hunahuna, gitagad, o gihunahuna; ang pagkinabuhi ug pagbuhat niya alang gyod sa pagtuman sa tanang naa sa kasingkasing sa Dios.
- B. Gidihogan ni Samuel si Saul ug si David nga mahimong mga hari (10:1; 16:1, 13); sumala kini sa gitudlo sa Dios nga kanunayng mag-una si Samuel sa Iyang dinihogan (2:35) aron magdumala sa hari, maniid sa gibuhat niini.
- C. Nagpakita kini nga si Samuel, nga mao ang nagsilbing Dios dinhi sa yuta, labaw pa sa hari; angayan si Samuel nga maingon niana kay sa daghang tuig bug-tong-talagsaon man siyang gihingpit sa Dios alang sa Iyang pamatigayon:
 - 1. Magamit sa Dios si Samuel sa pagtuman sa Iyang pamatigayon kay tawo man siya nga uyon sa Dios ug sa kasingkasing sa Dios, nga walay pagtinguha-sa-kaugalingon o bisan unsa bang hunahuna nga makabaton og kaayohan alang sa kaugalingon—itandi sa Mat. 16:24-26; Luc. 9:23-25.
 - 2. Wala siyay tinguha alang sa bisan unsa kondili ang kasingkasing ra sa Dios ug ang Iyang mga pinili; pagpasumbalik sa kasingkasing sa Dios ang iyang kasingkasing—itandi sa Fil. 2:19-22; 2 Cor. 3:16-18.
 - 3. Giisip ni Samuel nga sala batok ni Jehova ang dili pag-ampo alang sa katawhan sa Dios, nga personal Niyang katigayonan ug bahandi—1 Sam. 12:23; Exo. 19:5.
- D. Bisan dili sayon alang ni Samuel nga mobarog alang sa Dios diha sa talagsaong palibot niya, nagtagad siya sa interes sa Dios ug nakapausab sa panahon; matod pa sa Daang Tugon, gitupong si Samuel ni Moises sa pagkaalang niya sa Dios ug sa interes sa Dios—Jer. 15:1.
- E. “Gisultian ni Samuel ang katawhan sa batasan sa gingharian, ug gisulat niya kini sa basahon ug gibutang kini sa atubangan ni Jehova”—1 Sam. 10:25:
 - 1. Gihatag ni Moises sa mga anak sa Israel ang kasugoan, apan sa wala pa mabot si Samuel wala silay mga pamalaod, o batakang-balaod.
 - 2. Gitudloan ni Samuel ang katawhan sa mga pamalaod, sa batakang-balaod, batasan, mga kustombre, mga pamatasan, kabalaoran, ug mga lagda unsaon pagbatasan ang gingharian sa Dios dinhi sa yuta.

VI. Gisugdan sa Dios ang bag-ong panahon sa pagpabangon Niya ni Samuel, nga batan-ong Nasareo, isip matinumanong sacerdote nga mopuli sa nadaot nga pagkasacerdote—2:35:

- A. Giestablisar sa Dios si Samuel nga mamulong sa pulong sa Dios nga mopuli sa pagpanudlo sa pulong sa Dios sa daang pagkasacerdote; sa pagkasacerdote ang unang buhatonon sa sacerdote mao ang pagpamulong alang sa Dios.
- B. Ang tabon-sa-dughan ug ang Urim ug ang Thummim nga gisul-ob sa labawng sacerdote maoy palagianang gigamit sa Dios sa pagpamulong ngadto sa Iyang katawhan (Exo. 28:30); sa pagkadaot sa pagkasacerdote halos nawala na ang pagpamulong sa Dios (1 Sam. 3:1, 3a).
- C. Gipangalagad sa Dios ang Iyang pulong ngadto sa Iyang mga pinili sa pag-establisar kang Samuel isip propeta diha sa gipausbawng pagkasacerdote (vv. 20-21), ug gigamit Niya ang Iyang pagbulot-an sa Iyang mga pinili sa pagpabangon kang Samuel isip maghuhukom (7:15-17).
- D. Isip kataposang maghuhukom, gitapos ni Samuel ang pagkamaghuhukom, ug, isip bag-ong sacerdote, gipadangat niya ang pagkahari, nga gilig-on sa gipausbawng pagkasacerdote.
- E. Magpabangon gyod ang Dios og buhing persona, propeta, nga mamulong alang Niya; sa pagtudlo sa Dios giisip si Samuel nga unang propeta kay gipadangat man niya ang pagkapropeta alang sa pagpamulong sa Dios—Buh. 3:24; 13:20; Heb. 11:32.

VII. Nausa si Samuel sa Dios dinhi sa yuta; isip nagsilbing Dios dinhi sa yuta, ang representante sa Dios mismo nga naa sa langit nga magbuot sa Iyang katawhan dinhi sa yuta, nangalagad si Samuel sa lima ka pagkabutang—1 Sam. 7:3:

- A. Nangalagad si Samuel ingon nga Nasareo, nga bug-os nga gikonsagrar sa Dios aron matuman sa Dios ang Iyang pamatigayon—1:11, 28a.
- B. Nangalagad si Samuel ingon nga matinahoron-sa-Dios, nagpahimuot-sa-Dios nga sacerdote nga mopuli sa daan ug nadaot nga pagkasacerdote, ug matinumanon siyang nagbuhat alang sa Dios, bisan sa pagtudlo ug pag-establisar og mga hari alang sa diosnong pangagamhanan dinhi sa yuta—2:30, 35-36; 7:3-17; Huk. 9:9, 13.
- C. Nangalagad si Samuel ingon nga propetang giestablisar sa Dios (1 Sam. 3:20) aron mamulong sa pulong sa Dios nga puli sa pagpanudlo sa daang pagkasacerdote sa panahon nga nihit ang pulong ni Jehova ug dili makaylapon ang mga pananawon (vv. 1-10, 19-21).
- D. Nangalagad si Samuel ingon nga maghuhukom diha sa realidad sa pagkahari nga puli sa paghukom sa katawhan sa daang pagkasacerdote—7:15-17.
- E. Nangalagad si Samuel ingon nga tawo sa pag-ampo nga nag-ampo alang sa mga pinili sa Dios aron maampingan sila sa paagi sa Dios, mausa sa Dios, dili malitag sa mga diosdios sa kanasoran, ug magpahimulos sa Dios ingon nga Ebenezer (nagpasabot og “ang bato sa panabang”—v. 12) aron matuman ang tinguha sa Dios diha sa Iyang kabubut-on kalabot nila (vv. 3-17; 8:6; 12:19-25; 15:11b).